


ՀԱՄԱԳՈՒՄԱՐԻՑ ՀԵՏՈ



Լեոնային Ղարաբաղի բը-
նակչության լիազոր ներկայա-
ցուցիչների համագումարը
մարզի աշխատավորներին կոչ
արեց դադարեցնել գործադու-
ները և Ազգային խորհրդին
պարտավորեցրեց ձեռնարկել
բոլոր անհրաժեշտ միջոցները
մարզի ամբողջ տարածքում
աշխատանքային նորմալ ութ-
մը վերականգնելու համար:

Օգոստոսի 19-ին Ազգային
խորհրդի նախաձեռնությամբ
Ստեփանակերտի Հաղթանակի
հրապարակում տեղի ունեցավ
արտոնյալ միտինգ: Բոլոր ե-

լույթ ունեցողները հավանու-
թյուն տվեցին Լեոնային Ղա-
րաբաղի բնակչության լիազոր
ներկայացուցիչների համա-
գումարի աշխատանքներին,
նրա որոշմանը և բոլոր հար-
ցադրումներին: Միտինգի մաս-
նակիցները ողջունեցին հա-
մագումարի կողմից Ազգային
խորհրդի ստեղծումը:

Միտինգը միաժամանակ
քննարկեց մարզում գործադուլի
դադարեցման վերաբերյալ
համագումարի կոչը: Այդ առ-
թիվ այսօր՝ օգոստոսի 21-ին,

արդյունաբերական ձեռնարկու-
թյուններում և հիմնարկություն-
ներում տեղի են ունենում գոր-
ծարանային ժողովներ, ուր
առաջ են քաշվում կոնկրետ
խնդիրներ գործադուլի դադա-
րեցման համար: Աշխատավո-
րության մի մասը գտնում է,
որ անհրաժեշտ է գործադուլը
շարունակել մինչև արցախյան
հարցի այդարացի լուծումը:
Մյուս մասը գտնում է, որ ժա-
մանակակից պայմաններում
գործադուլը անհեռանկարային
է և պետք է փոխել պայքարի

ձևը, ուժեղացնել համախըմբ-
վածությունն ու միասնությունը:
Չորրորդ ամիսն է չեն աշ-
խատում ձեռնարկությունները:
Անգործության են մատնվել
սարքավորումներն ու տեխնի-
կան: Գործարաններն ապահով-
ված չեն հումքով: Անհրաժեշտ
է կարգի բերել նյութատեխնի-
կական բազան: Այսօր շատ
ձեռնարկություններում կարգի
են բերվում սարքավորումները,
աշխատանքներ են կատարվում
գործարանները հումքով ապա-
հովելու, տեխնիկատնտեսա-

կան բազան վերականգնելու
ուղղությամբ:

Արդեն կիսով չափ աշխա-
տանքի են դուրս եկել տրանս-
պորտային ձեռնարկություն-
ների, շինարարական հարթակ-
ների, հիմնարկների կոլեկ-
տիվները:

Ազգային խորհուրդը ձեռ-
նարկում է բոլոր անհրաժեշտ
միջոցները մարզում աշխա-
տանքային նորմալ ութմը վե-
րականգնելու համար:

Լ. ՄԿՐՏՅԱՆ
(մեր սեփ. թղթ.)

Ստեփանակերտ